



UNIVERSITÄTS-  
BIBLIOTHEK  
PADERBORN

# **Claudii Fleurii Abbatis Historia Ecclesiastica**

Ab Anno 633. Usque Ad Annum 726

**Fleury, Claude**

**August. Vind. [u.a.], 1760**

**VD18 90117840**

§. 10. Concilium Toletanum V.

---

[urn:nbn:de:hbz:466:1-66082](https://nbn-resolving.org/urn:nbn:de:hbz:466:1-66082)

nis in *Loco Sancto*, oculis suis conspice. Sæculum VII  
 re sibi videbatur. Califa deditam ur- A. C. 636.  
 bem in suam tutelam recepit datis pu-  
 blice litteris in hunc modum: *In Nomi-  
 ne Dei Clementis & Misericordis. Omar  
 filius HITTAB populo Civitatis Æliæ,  
 Civibus, liberis eorum, & mulieribus se-  
 curitatem promittit. Bona quoque &  
 Ecclesias suas omnes servant, non de-  
 struentur, nec claudentur. Omar Beth-  
 lehemum quoque se contulit, & in spe-  
 cu Nativitatis oravit. Interim Musul-  
 manni utrinque tam in Syria quam in  
 Ægypto felicibus armis sui Imperii fines  
 proferebant. Paucis elapsis annis cum  
 Omar Jerosolymæ Moscheam in loco *Theoph. an.*  
 Templi Salomonis ædificari jussisset, & 25. 26.  
 ædificium semper corrueret, hujus rei *Theoph.*  
 causam exquisivit; responderunt Judæi: *p. 284.*  
*Nunquam stabit hoc ædificium, nisi Cru-  
 cem, quæ in monte Olivarum fixa est,  
 sustuleris. Illa Cruce ablata firmum  
 stetit ædificium, quæ res Jesu Christi  
 inimicis ad plures alias Cruces dejicien-  
 das prætextum præbuit.**

## §. X.

*Concilium Toletanum V.*

Anno 636. Æra 674. in Hispania Con-  
 cilium Toletanum V. celebratum.  
 Is annus erat primus Cinthilæ, qui Sife-  
 nando fratri suo successerat, & huic Con-  
 cilio

Sæculum VII<sup>o</sup> concilio cum Proceribus Aulæ suæ inter-  
 A. C. 636. fuit. Conditum sunt Canones novem, qui  
 ferme omnes ad ejus securitatem firman-  
 dam & stabiliendum Regnum tendunt.  
 Illa, quæ in Concilio superiore, quod  
 magnum & universale vocatur, decreta  
 fuerant, executioni dari jubentur, &  
 præcipitur, ut Statutum de Principis  
 incolumitate in omnibus Hispaniæ Con-  
 ciliis prælegatur. Item decernitur, ut  
 populi Cinthilæ Regis posteros amore  
 & honore prosequerentur, & nemo eo-  
 rum hæreditatem diripere auderet. Nempe  
 cum Reges per electionem ad solium  
 eveherentur, sæpe Regis defuncti liberi  
 a Successore male habebantur. Prohi-  
 betur, ne Reges Donationes Anteces-  
 sorum suorum revocent. Item, ne quis,  
 nisi ex primis Gothorum stirpibus natus  
 sit, regnum sperare audeat. Prohibitum  
 est vivo Rege superstitione indagare, quis  
 ejus Successor futurus sit, aut eum male-  
 dictis prosequi. Hæc omnia sub Ana-  
 thematis pœna prohibentur, sed potestas  
 Regi relinquitur reo veniam conceden-  
 di. Rex Cinthila omnia hujus Concilii  
 Decreta, Edicto ultimo mensis Junii eo-  
 dem anno edito, confirmavit.

Hoc Concilium ex tota Hispania fue-  
 rat congregatum, id enim ex subscri-  
 ptione Episcoporum numero viginti duo-  
 rum cum Legatis duorum absentium di-  
 spici-

spicimus. Primus est Eugenius Archi-  
episcopus Toletanus S. Justi Successor,  
quem socium habuerat, cum sub Disci-  
plina S. Helladii a prima ætate in Mona-  
stero educaretur. At S. Helladius ad  
Episcopatum promotus Eugenium e Mo-  
nasterio vocatum ad vitam Clericalem  
instituerat. Morum gravitas ex viri  
incessu apparebat, excellenti etiam in-  
genio præditus in Astronomia doctissi-  
mus evaserat. Sedem Toletanam annis  
circiter undecim tenuit.

## §. XI.

*S. Isidori Hispalensis obitus.*

Sanctus Isidorus Hispalensis eodem an-  
no 636. migravit in Cœlum, postquam  
Ecclesiam suam annis ferme quadraginta  
rexisset. Cum finem vitæ sibi instare  
auguraretur, solito largius eleemosynas  
in pauperes sparsit, & sex ferme mensi-  
bus pauperum turbæ a mane usque ad  
vesperam domum ejus implebant. Mor-  
bo ingravescente duos Episcopos Joan-  
nem & Eparchium (is verisimiliter est  
Episcopus Italiæ, qui sexto Concilio To-  
letano subscripsit) advocavit, & domo  
egressus ad Ecclesiam S. Vincentii pro-  
cessit, comitante ingenti multitudine  
populi, Clericorum, Monachorumque,  
qui optimi Patris jacturam tenerrimo  
affectu desolebant. Ubi ad Ecclesiam per-  
venit,

Sæculum VII  
A. C. 636.

p. 1729.

Sup. Lib.

XXXVII.

§. 45. Hides.

Ill. c. 12.

Redempt.

ap. Boll. to. 9.

p. 349. &amp;

Init. Isid.